

ՀՅ 13

14.04



ՀԱՍՏԱՏՈՒՄ ԵՄ՝

Շրջակա միջավայրի նախարար

Համբարձում Մաթևոսյան

«01» 04 2026թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 038 - 26

Նախաձեռնող՝ «ԷՄ ԶԻ ՓԻ ՌԵՍՈՒՐՍԻԶ» ՍՊԸ

Գործունեությունը՝ Ոչ մեկադական օգտակար հանածոյի արդյունահանում
Արարարի մարզ, Մասիս համայնք, Նորամարգ բնակավայր

Առդիր՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 038 - 26

«01» ապրիլի 2026թ.

**Նորամարգի ավազակոպճային խառնուրդի հանքավայրի Ռեսուրս տեղամասի
օգտակար հանածոյի արդյունահանման աշխատանքների
շրջակա միջավայրի վրա ազդեցության գնահատման հաշվետվություն**

Նախաձեռնող՝	«ԷՄ ԶԻ ՓԻ ՌԵՍՈՒՐՍԻԶ» ՍՊԸ
Փաստաթղթի տեսակը՝	Շրջակա միջավայրի վրա ազդեցության գնահատման /ՇՄԱԳ/ հաշվետվություն
Գործունեության տեսակը՝	«Ա» կատեգորիա
Տեղադրման վայրը՝	Արարատի մարզ, Մասիս համայնք, Նորամարգ բնակավայր

Ներածական մաս. «ԷՄ ԶԻ ՓԻ ՌԵՍՈՒՐՍԻԶ» ՍՊԸ ընկերության կողմից նախատեսվում է իրականացնել Նորամարգի ավազակոպճային խառնուրդի հանքավայրի Ռեսուրս տեղամասի օգտակար հանածոյի արդյունահանման աշխատանքներ:

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 3-րդ մասի 2)-րդ կետի թ. ենթակետի՝ նախատեսվող գործունեությունը հանդիսանում է «Ա» կատեգորիայի գործունեության տեսակ:

Նկարագրական մաս. Վարչական տեսակետից Նորամարգի ավազակոպճային խառնուրդի (ԱԿԽ) հանքավայրի Ռեսուրս տեղամասը գտնվում է Արարատի մարզի Մասիս համայնքի Նորամարգ բնակավայրի տարածքում՝ բնակելի գոտուց մոտ 0.8 կմ հարավ-արևմուտք, Մեծամոր և Հրազդան գետերի միջև, զբաղեցնում է 13.9 հա մակերեսով տարածք:

Տեղամասի մոտակա բնակավայրերն են՝ Հովտաշենը, Նորամարգը, Մխչյանը, Արաքսավանը ու Մասիս քաղաքը:

Տեղամասը մոտ 6.5 կմ երկարությամբ բարեկարգ ավտոճանապարհով կապված է Երևան-Արտաշատ-Արարատ մայրուղու հետ, իսկ Երևանի հետ՝ (25 կմ) Հյուսիս-Հարավ միջպետական ավտոմայրուղով:

Տեղամասի կենտրոնի աշխարհագրական կոորդինատներն են՝

- հյուսիսային լայնությունը՝ 40°1'14.74"

- արևելյան երկայնությունը՝ 44°24'4.94"

Գեոմորֆոլոգիական տեսակետից տեղամասի շրջանն իրենից ներկայացնում է Արարատյան դաշտավայրի հարավ-արևելյան մասը կազմող հարթավայր:

Երկրաձևաբանական տեսակետից տեղամասի տարածքն իրենից ներկայացնում է Արարատյան դաշտի հարավ-արևելյան մասը կազմող հարթավայր, գտնվում է 823.0-826.2 մ



բացարձակ բարձրությունների վրա:

Նախատեսվող գործունեության տարածքը գտնվում է Արարատյան արտեզյան ավազանի կենտրոնական մասում և սահմանափակվում է Մեծամոր և Հրազդան գետերով:

Տեղամասի երկրաբանական կառուցվածքում մասնակցում են ժամանակակից դելյուվիալ-պրոլյուվիալ առաջացումները և այլուվիալ ավազային նստվածքները, ինչպես նաև Արարատյան դաշտավայրի ստորին լճային դարավանդի վերին չորրորդականի կավային առաջացումները:

Նորամարգի ավազակոպճային խառնուրդի հանքավայրի Ռեսուրս տեղամասը կապված է Արաքս, Մեծամոր գետերի և նախկինում գոյություն ունեցած Կապույտ լճի ժամանակակից նստվածքային առաջացումների հետ: Տեղամասում առկա են գետային և լճային նստվածքների կուտակումներ:

Նորամարգի ԱԿԽ հանքավայրի Ռեսուրս տեղամասի տարածքում սողանքներ, կարստեր և փլուզումներ չկան, տարածքում քարաթափումներ և սողանքների առաջացում չեն դիտարկվում:

Նորամարգի ԱԿԽ հանքավայրի Ռեսուրս տեղամասում ՀՀ Կարմիր գրքերում գրանցված բույսեր և կեղանիներ չեն հայտնաբերվել: Հայցվող տեղամասի տարածքը, ինչպես նաև հարակից շրջանները ներառված չեն բնության հատուկ պահպանվող տարածքում, պատմության և մշակույթի անշարժ հուշարձաններ առկա չեն:

Հայցվող տարածքում չկան լցակայաններ, ենթակառուցվածքներ, հանված, պահեստավորված, պահպանված հողաբուսական շերտեր:

Նախատեսվող գործունեության տարածքում բուսականությունն աղքատ է, մասմար ջրավորված՝ առկա են վերգետնյա ջրավազաններ, լճակներ, որոնք տարվա տաք եղանակներին և առուների մաքրման դեպքում գրեթե չորանում են:

Տեղամասը շրջապատված է ջրհեռացման դրենաժային առուներով, որոնք գտնվում են 10-250 մ հեռավորությունների վրա, տեղամասը հեռու է գետային հոսքերից, անմիջական ազդեցության տակ է գտնվում գրունտային ջրերի հորիզոնը, որը բեռնաթափվում է Արաքս գետում:

Նորամարգի ավազակոպճային խառնուրդի հանքավայրի Ռեսուրս տեղամասի պաշարները հաստատվել են ՀՀ տարածքային կառավարման և ենթակառուցվածքների նախարարի «Հայաստանի Հանրապետության Արարատի մարզի Նորամարգի ավազակոպճային խառնուրդի հանքավայրի Ռեսուրս տեղամասի պաշարների հաստատման մասին» 23.08.2024թ. N 1948-Ա հրամանով, կազմակերպել «Խիճ և Կոպիճ խիտ լեռնային ապարներից շինարարական աշխատանքների համար» 8267-95 ՀՍԳՕՍ-ի տեխնիկական պահանջներին համապատասխանող խճի ու «Ավազ շինարարական աշխատանքների համար» 8736-2014 ԳՕՍ-ի պահանջներին համապատասխանող ավազի շահութաբեր արտադրություն:

Նորամարգի ավազակոպճային խառնուրդի հանքավայրի Ռեսուրս տեղամասի ավազները լիովին բավարարում են «Ավազ շինարարական աշխատանքների համար» 8736-2014 ՀՍԳՕՍ-ի պահանջներին և կարող են օգտագործվել, որպես լցանյութ շինարարական շաղախներում, ծանր բետոններում և այլ տեսակի շինարարական աշխատանքներում:

Նորամարգի ավազակոպճային խառնուրդի հանքավայրի Ռեսուրս տեղամասի հաստատված պաշարների եզրագծի ծայրակետերի կոորդինատները հետևյալն են:

X	Y	X	Y
1. 4431889.6	8448635.3	9. 4432064.1	8449109.6
2. 4432139.4	8448682.6	10. 4432046.6	8449115.1
3. 4432322.6	8448712.0	11. 4431949.2	8449066.0



4. 4432328.4 8448712.9 12. 4431861.0 8449010.7
 5. 4432129.8 8448891.8 13. 4431851.4 8448805.2
 6. 4432167.2 8449085.2 14. 4431857.2 8448771.8
 7. 4432154.9 8449112.4 15. 4431871.7 8448702.6
 8. 4432132.7 8449110.8

Նորամարզի ավազակոպճային խառնուրդի հանքավայրի Ռեսուրս տեղամասի լեռնա-երկրաբանական և լեռնատեխնիկական պայմանները բարենպաստ են բաց եղանակով մշակման համար:

Նախատեսվող բացահանքը վերջնական դիրքում կունենա հետևյալ պարամետրերը՝

- բացահանքի առավելագույն երկարությունը մակերևույթում՝ մոտ 445.6 մ,
- բացահանքի առավելագույն լայնությունը մակերևույթում՝ մոտ 442.3 մ,
- մշակվող օգտակար հանածոյի հաստաշերտի միջին հզորությունը՝ 3.1 մ,
- հանքաստիճանի թեքման անկյունը՝ 45°,
- բացահանքի առավելագույն խորությունը՝ մոտ 5.6 մ,
- բացահանքի համար օտարման ենթակա մակերեսը՝ 13.9 հա:

Բացահանքի տարեկան արտադրողականությունը կկազմի 27000 մ³/տարի ավազակոպճային խառնուրդի զանգված, օգտակար հանածոյի կորզվող պաշարները բացահանքի վերջնական եզրագծերի սահմաններում՝ 409102 մ³:

Տեղամասի շահագործումը նախատեսվում է իրականացնել համատարած երկայնական մեկ կողանի մշակման համակարգով՝ օգտակար հանածոյի ամբողջ հզորությամբ՝ մեկ հանքաստիճանով՝ ներքին և արտաքին ժամանակավոր լցակույտառաջացմամբ, առանց հորատապայթեցման աշխատանքների:

Նորամարզի ավազակոպճային խառնուրդի հանքավայրի Ռեսուրս տեղամասի շահագործման նպատակով բացահանքային դաշտի բացումը նախատեսվում է իրականացնել տեղամասի արևմտյան մասից՝ հաստատված պաշարների եզրագծի ամբողջ ճակատի երկարությամբ և շահագործել մեկ անգամից հաստվածքի ամբողջ խորությամբ՝ հակառակ բաժով կահավորված էքսկավատորի միջոցով:

Ավազակուտակի շերտի հզորությունը տատանվում է 2.0-4.1 մ սահմաններում, որը ծածկված է 1.7-3.0 մ հաստությամբ հողաբուսական, կավային, կավավազային առաջացումներով, որը թույլ է տալիս օգտակար հանածոյի արդյունահանումն իրականացնել առանց նախնական փխրեցման:

Նախատեսվող բացահանքի մշակման համակարգի տարրերը կլինեն հետևյալը՝

- աստիճանի բարձրությունը՝ մինչև 5.1-6.1 մ,
- աշխատանքային հրապարակի նվազագույն լայնությունը՝ 15 մ,
- հանքաստիճանի աշխատանքային ճակատի երկարությունը՝ 100 մ:

Լեռնակապիտալ աշխատանքների (բացահանքի շինարարական շրջանի) ընթացքում նախատեսվում է տեղամասի եզրագծի սահմաններից դուրս՝ հարավ արևելյան մասում արտադրական հրապարակի ստեղծում, ջարդիչ-տեսակավորող կայանքի կահավորում:

Տեղամասի սահմաններից դուրս՝ հյուսիս արևելյան մասում, նախատեսվում է ժամանակավոր արտաքին լցակույտի ձևավորման աշխատանքների իրականացում:

Ինչպես տեղամասի սահմաններում, այնպես էլ տեղամասի սահմաններից դուրս առկա են գործող ավտոճանապարհներ, այդ իսկ պատճառով հանքավայրի լեռնակապիտալ աշխատանքների կատարման շրջանում ավտոճանապարհների անցկացման գործընթաց չի նախատեսվում:

Տեղամասում առկա են ջրավորված տարածքներ, որոնցից օգտակար հանածայի արդյունահանումը նախատեսվում է իրականացնել այդ տարածքների ջրազերծումից հետո, որը կիրականացնի բացահանքի շինարարական աշխատանքներին զուգահեռ՝ տեղամասի



եզրագծերի երկայնքով առկա դրենաժային առուների միջոցով:

Նորամարգի ավազակոպճային խառնուրդի հանքավայրի Ռեսուրս տեղամասի մակաբացման ապարների ծավալը կկազմի 262.3 հազ.մ³, որոնք ներկայացված են հողաբուսական, կավային, կավավազային առաջացումներով:

Բացահանքի մատակարարումը տեխնիկական ջրով նախատեսվում է կատարել օգտակար հանածոյի հանութաբարձման աշխատանքների ժամանակ փոշենստեցման, աշխատանքային հրապարակների, ճանապարհների ջրցանման նպատակով: Տեխնիկական ջրամատակարարումը կիրականցվի KamAz ACPT-10 մակնիշի ջրցանվացող մեքենայով, խմելու ջրի մատակարարումը՝ BL-1.2 մակնիշի ջրի ցիստեռնով:

Բացահանքում օգտակար հանածոյի արդյունահանման տեխնոլոգիաների հետ կապված մթնոլորտ արտանետվող վնասակար գազերի և փոշու աղբյուր կհանդիսանան տրանսպորտը և մաքրահանությամբ աշխատանքները: Օդային ավազան արտանետվող վնասակար նյութերը կլինեն անօրգանական փոշին (բուլդոզերային, էքսկավատորային, տրանսպորտային, լցակայան), ազոտի ու ածխածնի օքսիդները և ածխաջրածինները (դիզելային ու բենզինային վառելիքով աշխատող մեխանիզմներ):

Շահագործման ընթացքում կառաջանան նաև բնապահպանական տեսակետից տարբեր վտանգավորության թափոններ, որոնցից են սպառողական հատկությունները կորցրած կապարե կուտակիչներ՝ առանց էլեկտրոլիտի, բանեցված շարժիչների յուղերի թափոններ, յուղոտված լաթեր, բանեցված օդաճնշիչ դողեր, փխրուն մակաբացման ապարներ:

Թափոնների քանակի, վտանգավորության դասի, ծածկագրերի և կառավարմանն ուղղված միջոցառումների վերաբերյալ տեղեկատվությունը տրված է գնահատման հաշվետվությունում և հաշվետվությանը կից թափոնների կառավարման պլանում:

Համաձայն գնահատման հաշվետվության՝ բացահանքի շահագործման ընթացքում շրջակա միջավայրի բաղադրիչների (մթնոլորտային օդ, ջրային, հողային ռեսուրսներ, կենսաբազմազանության) վրա հնարավոր բացասական ազդեցության կանխարգելման, մեղմացման, նվազեցման նպատակով, հնարավոր վթարային իրավիճակների, բնական աղետների և անբարենպաստ օդերևութաբանական պայմանների և աղմուկի առաջացման դեպքերում նախատեսվում են բնապահպանական միջոցառումներ և շրջակա միջավայրի վրա բացասական ազդեցության մեղմացմանն ու կանխարգելմանն ուղղված մշտադիտարկումներ:

Պարճառաքանական մաս. Արարատի Նորամարգի ավազակոպճային խառնուրդի հանքավայրի Ռեսուրս տեղամասի օգտակար հանածոյի արդյունահանման աշխատանքների շրջակա միջավայրի վրա ազդեցության գնահատման հաշվետվության փորձաքննությունն իրականացվել է «Շրջակա միջավայրի վրա ազդեցության գնահատման և փորձաքննության մասին» օրենքի պահանջներին համապատասխան: Գնահատման և փորձաքննության փուլերում գործունեության իրականացման վերաբերյալ Նորամարգ բնակավայրի վարչական ղեկավարի նստավայրում անցկացվել են հանրային լուծումներ, որոնց ընթացքում գործունեության իրականացումը մասնակիցների կողմից արժանացել է հավանության:

Փորձաքննական գործընթացում ստացվել են կարծիքներ առողջապահության, ներքին գործերի, կրթության, գիտության, պաշտպանության, մշակույթի և սպորտի նախարարություններից, կադաստրի կոմիտեից, Արարատի մարզպետարանից, Մասիսի համայնքապետարանից:

Փորձաքննական գործընթացում համաձայն՝ շրջակա միջավայրի նախարարության ջրային ռեսուրսների կառավարման վարչության և «Հիդրոոդերևութաբանության և մոնիթորինգի կենտրոն» ՊՈԱԿ-ի կողմից ստացված տեղեկատվության՝ Արարատի մարզի Նորամարգի



ավագակոպճային խառնուրդի հանքավայրի Ռեսուրս տեղամասը, ըստ ներկայացված կոորդինատական կետերի գտնվում է ստորերկրյա ջրերի պահպանման գոտում, ինչը հաստատված է Կառավարության 2022 թվականի դեկտեմբերի 8-ի «Հրազդանի ջրավազանային կառավարման տարածքի 2022-2027 թվականների կառավարման պլանը հաստատելու մասին» №1909-Ն որոշմամբ:

Փորձաքննության ընթացքում կադաստրի կոմիտեի կողմից ստացված կարծիքի համաձայն և «Շրջակա միջավայրի վրա ազդեցության փորձաքննական կենտրոն» ՊՈԱԿ-ի կողմից իրականացված լրացուցիչ ուսումնասիրությունների արդյունքում պարզվել է, որ ընկերության կողմից ներկայացված կոորդինատներով տարածքն իր սահմաններում ներառում է Արարատի մարզի Մասիս համայնքի Նորամարգ և Ռանչպար բնակավայրերի վարչական սահմաններում ջրային նշանակության հողամասեր: Նշված հանգամանքները, առաջարկությունների և դիտողությունների հետ մեկտեղ ներկայացվել են ընկերությանը՝ ՇՄԱԳ հաշվետվությունը լրամշակելու նպատակով, սակայն ընկերության կողմից լրամշակված ՇՄԱԳ հաշվետվությունում հաշվի չեն առնվել և չեն ներակայացվել տեղեկատվություն և պարզաբանումներ՝ ջրային նպատակային նշանակության հողերի հետ համընկնման, ստորերկրյա ջրերի պահպանման գոտում գտնվելու (դրանց վրա հնարավոր ազդեցությունները, կանխարգելման նպատակով բնապահպանական միջոցառումները) և հայցվող տարածքը երկու ազդակիր բնակավայրերում գտնվելու վերաբերյալ:

Հաշվի առնելով վերոնշյալ հիմնավորումները և հիմք ընդունելով «Շրջակա միջավայրի վրա ազդեցության գնահատման և փորձաքննության մասին» օրենքի 5-րդ հոդվածի 1-ին մասի 5-րդ կետով և 30-րդ հոդվածի 2-րդ մասի 3-րդ կետով սահմանված դրույթները, նախատեսվող գործունեության իրականացումը դիտարկվող տարածքում համարվում է ոչ նպատակահարմար:

ԵԶՐԱՓԱԿԻՉ ՄԱՍ

«ԷՄ ԶԻ ՓԻ ՌԵՍՈՒՐՍԻԶ» ՍՊԸ-ի կողմից ներկայացված Արարատի մարզի Նորամարգի ավագակոպճային խառնուրդի հանքավայրի Ռեսուրս տեղամասի օգտակար հանածոյի արդյունահանման աշխատանքների շրջակա միջավայրի վրա ազդեցության գնահատման հաշվետվությանը տրվում է պետական փորձաքննական բացասական եզրակացություն:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող

Հերիքնագ Մկրտչյան



«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
գլխավոր մասնագետ՝

Նելլի Նասիբյան

Նելլի Նասիբյան